



15. februar 2019

UPA 2019/53

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Arnat naartusut erninissaannut sapaatip akunneri sisamaannangortut tagginneqarneraniit naartunerminnut atatillugu sulingiffeqartalernissaat pillugu Naartunermi, erninermi meeravissartaarnermilu sulingiffeqartarnek ullormusiaqartarnerlu pillugit Inatsisartut inatsisaata nr. 14-p, 7. december 2009-imeersup allannguutissaanik saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Randi Vestergaard Evaldsen, Demokraatit)

UKA2018-mi Inatsisartut aalajanerpaat angajoqqaat sulingiffeqartarnerat sapaatip akunnerinik sisamanik sivitsorneqassasoq. Demokraatini qularutigingilarput taamatut aalajangiinerup angajoqqaanngorlaat atugaat pitsaanerulersikkumaaraat. Nuannaarutigaarput angajoqqaat inoorlaallu atugaat taamatut pitsanngoriartinneqarmata.

Manni siunnersuut aqutugalugu kissaatigaarput arnat ernisussat atugaasa pitsanngorsarnissaat, naartunermi sulingiffeqalersinnaalersillugu tagginneqaraangat erninissaanut sapaatip akunneri sisamaannangortut. Ullumikkut arnat, inatsisit atuuttut naapertorlugit, naartunermi sulingiffeqalersinnaasarput tagginneqaraangat erninissaannut sapaatip akunneri marluinnangortut.

Demokraatini kissaatigaarput inatsissingortinneqassasoq, arnat naartusut tamarmik taamatut pisinnaatitaaffeqalissasut.

Tassunga atatillugu puigorneqassanngilaq, arnarpassuit ernisarmata ernivissatut tagginneqartoq sioqqullugu. Taamaasilluni ernineq "naliginnaasutut" isigineqartarpoq, ernineq pisimappat erninissamut taggiineq sapaatip akunnerinik pingasunik sioqqullugu, tassa imaappoq arnap naartusup sulingiffeqarsinnaanngornissaa sapaatip akunneranik ataatsimik sioqqullugu. Tamatuma saniatigut oqaatigissavarput pilattartilluni ernisarnek pisarmat erninissamut taggiineq sapaatip akunnerinik marlunnik sioqqullugu. Arnaq - taamaasillunilu ilaqtariit - taamaasillutik erninissamut atatillugu piareersarfittut piffissaq atugassartik atunngitsoortarpaat. Taamaattumik allaaneq ajorpoq arnarpassuit kingusinaarlutik naartunerminnut atatillugu sulingiffeqalersartut, sulingiffeqalersarmata ernivissatut tagginneqartoq sapaatip akunnerinik marluinnarnik sioqqullugu.

Neriuppunga Naalackersuisut siunnersuutiga ilalerumaaraat taamatullu Inatsartuni partiit allat.



**Aningaasarsiornikkut allaffissornikkullu pisortanut kingunissai.**

§ 37 naapertorlugu apeqquummut 66-2019-mut akissuteqarnerminni Naalakkersuisut taggippaat siunnersuut akuerineqassagaluarpat tamanna ukiumut 3,9 millioner koruuninik aningaasartuutitaqassasoq. Pissutissaqanngilara taamatut naliliineq akерlerissallugu.

**Aningaasarsiornikkut allaffissornikkullu namminersorlutik inuutissarsiortunut kingunissai.**

Siunnersuutip kinguneranik namminersorlutik inuutissarsiortut sulisuminnik amingaateqartassapput ulluminut naleqqiullugu sapaatip akunnerinik marlunnik sivilisunerusumik. Tamatuma saniatigut aningaasatigut kinguneqarsinnaavoq namminersorlutik inuutissarsiortut sulisortik sulinggiffeqarnerup ilaani imaluunniit sulinggiffeqarneq tamakkerlugu tamakkiisumik akissarsiaqartussatut neqeroorfigisimappassuk.

**Aningaasatigut allaffissornikkullu innuttaasunut kingunissai.**

Arnat ilaat, isumaqatigiissutit attuumassuteqartut naapertorlugit naartunerminni sulinggiffeqalersinnaapput erninissaannut sapaatip akunneri sisamaannanngortut tagginneqaraangat, inuttut aningaasaqarnerannut kinguneqanngitsumik. Arnalli sulinggiffeqarnerup aallaqqaataani tamakkiisumik akissarsiaqartussanngorlutik, isumaqatigiissutit ilaat allat imaluunniit inuttut isumaqatigiissuteqarneq naapertorlugu atorfeqartinneqartut ilaasa misigisarpaat akissarsiatik appariartut kommunimiik erninermut atatillugu ullormusiaqartitaanertik aallartikkaangat. Arnat 18-t sinnerlugit ukiullit, SIK-p isumaqatigiissutaa naapertorlugu ilinniarsimangitsutut minnerpaamik akissarsiaqartut akissarsiaat apparnaviangillat, erninermut atatillugu sulinggiffeqarnermi ullormusiat naatsorsorneqartarmata akissarsiaat tunngavigalugit<sup>1</sup>.

---

<sup>1</sup> [https://www.sullissivik.gl/Emner/Familie\\_boern\\_og\\_aeldre/Barsel-og-adoption/Barselsdagpenge?sc\\_lang=da-DK](https://www.sullissivik.gl/Emner/Familie_boern_og_aeldre/Barsel-og-adoption/Barselsdagpenge?sc_lang=da-DK)